

新刊校定集注杜詩

第一二冊

The first part of the document discusses the importance of maintaining accurate records of all transactions. It emphasizes that every entry, no matter how small, should be recorded to ensure the integrity of the financial statements. This includes not only sales and purchases but also expenses and income. The document further explains that proper record-keeping is essential for identifying trends, managing cash flow, and complying with tax regulations.

In addition, the document highlights the need for regular reconciliation of accounts. By comparing the company's internal records with bank statements and other external sources, discrepancies can be identified and corrected promptly. This process helps to prevent errors from accumulating and ensures that the financial data is reliable and up-to-date.

The document also addresses the importance of separating personal and business finances. It advises against using personal credit cards or bank accounts for business transactions, as this can complicate tax reporting and obscure the true financial performance of the business. Instead, it recommends opening a dedicated business bank account and using it exclusively for all business-related activities.

Finally, the document stresses the value of seeking professional advice. Consulting with an accountant or financial advisor can provide valuable insights into the most effective ways to manage the company's finances, optimize tax deductions, and plan for the future. By following these guidelines, business owners can ensure that their financial records are accurate, complete, and compliant with all applicable laws and regulations.

新刊校定集注杜詩卷第二十五

近體詩

送梓州李使君之任

公自注故陳拾遺射洪人

也篇末有云洙曰拾遺陳子昂常為縣令段簡收繫憂憤死獄中射洪梓州之屬縣也

籍甚黃丞相能名自潁川近看除刺史還
喜得吾賢五馬何時到雙魚會早傳老思
筇竹杖冬要錦衾眠不作臨歧恨唯聽舉
最先火雲揮汗日山驛醒心泉遇害陳公



主上寺五

殞于今蜀道憐君行射洪縣為我一潸然

洙曰漢黃霸為潁川太守治為天下第一後代丙吉為丞相趙曰漢官儀太守五馬蓋天子六馬而諸侯五馬也古樂府客從遠方來遺我雙鯉魚呼兒烹鯉魚中有尺素書笱竹與錦皆蜀中所出公從李使君求此二物也洙曰京房傳舉最當遷徙以課最被舉

王閬州筵奉酬十一舅惜別之作

萬壑樹聲滿千崖秋氣高浮舟出郡郭別酒寄江濤良會不復久此生何太勞窮愁但有骨羣盜尚如毛吾舅惜分手使君寒

贈袍沙頭暮黃鶴失侶亦哀號

後山詩話
杜牧云南

山與秋色氣勢兩高高最爲警絕而子美
纔用一句云千崖秋氣高語益工鶴曰時
吐蕃党項與僕固懷恩之亂
方殷故有羣盜尚如毛之句

閬州奉送二十四舅使自京赴任

青城

鶴曰青城
縣屬蜀州

聞道王喬舄名因太史傳如何碧雞使把
詔紫微天秦嶺愁回馬涪江醉泛船青城

漫污雜吾舅意淒然

洙曰漢王喬爲葉令
每朔望自縣詣臺朝

明帝怪其來數令太史伺望之言其臨至
有雙鳧飛來於是舉羅張之得一隻舄焉

定功曰漢書方士言益州有金馬碧雞可
祭祀致也宣帝王褒住祀焉鄭曰秦嶺在
秦州

放船

送客蒼溪縣山寒雨不開直愁騎馬滑故
作放舟迴青惜峯巒過黃知橘柚來江流

大自在坐穩興悠哉

鮑曰唐志蒼溪縣屬閬州葛常之曰五言

律詩於對聯中十字作一意詩家謂之十字格如老杜放船詩云直愁騎馬滑故作放舟迴對雨詩云不愁巴道路恐失漢旌旗江月詩云天邊長作客老去一沾巾是也鮑曰青惜峯巒過黃知橘柚來舟行湍移景物如畫雖速而不言速也吳子良荆

溪林下偶談錢起云山來指樵火峯去惜
花林不若子美青惜峯巒過黃知橘柚來

奉待嚴大夫

鶴曰按唐紀上元二
年建丑月以嚴武爲

成都尹今公待其至詩云不知
旌節隔年回乃次年正月也又
按舊史武出爲綿州刺史劍南
東川節度使兼御史中丞上皇
誥以劍南兩川合爲一拜武成
都尹兼御史大夫充劍南節度
此當在乾元二年裴冕爲尹之
前蓋上皇以上元元年七月移
居西內已不復預國事矣武嘗
三鎮蜀在乾元裴冕之前爲一
是年爲二廣德二年表公爲參
謀時爲三也 寶應元年成都
作

殊方又喜故人來重鎮還須濟世才常怪

偏裨終日待不知旌節隔年回欲辭巴徼

啼鶯合遠下荆門去鷁催身老時危思會

面一生襟抱向誰開洙曰偏裨謂諸將校也希曰偏裨字見漢

書馮奉世傳趙曰淮南子注鷁大鳥也畫其象若船首以禦水患夢弼曰公聞嚴武

至欲辭蜀之巴峽下楚之荆門以逕之也

奉寄高常侍

鶴曰高適為西川節度禦吐蕃師出無功

亡松維等州以嚴武代還用為刑部侍郎左散騎常侍

汶上相逢年頗多飛騰無那故人何總戎

楚蜀應全未方駕曹劉不啻過今日朝廷

須汲黯中原將帥憶廉頗天涯春色催遲

暮別淚遙添錦水波洙曰地理志汶水出泰山萊蕪蜀亦有汶

川出西山趙曰高適先除淮南節度後為西川節度故言總戎楚蜀修可曰方駕並駕

也與方舟之方同廣絕交論道文麗藻方駕曹王今言曹劉乃曹植劉楨也洙曰不

啻猶過多也家語何翅惠哉漢書汲黯在朝淮南寢謀言黯之材足以折衝千里也

史記廉頗趙之良將也漢文帝嘗嘆曰吾吾獨不得廉頗李牧為將豈憂匈奴哉

奉寄章十侍御

公自注時初罷梓州刺史東川留後

將赴朝廷鶴曰按唐史是年嚴武再鎮蜀因小忿召梓州刺史

章彘殺之公是詩却言其罷梓州將赴朝廷豈非將行時為武所殺又按彘去年夏方守梓未應得代當是其時欲入奏也

淮海惟揚一俊人金章紫綬照青春指麾

能事回天地訓練強兵動鬼神湘西不得

歸關羽此人所講者河內猶宜借寇怕朝覲從

容問幽側勿云江漢有垂綸洙曰章彘揚州人趙曰指

麾所能之事雖天地亦可回誇大言一敵

公曰時段子璋反章討平之故云

將關羽字雲長先主收江南諸郡

陽太守盧寵將軍

拜羽督利

守潁川盜賊羣起車駕南征恂從至潁川盜賊悉降百姓遮道曰願從陛下復借寇君一年乃留恂黃曰美章彝善守東川恐如闕羽寇恂不得去也希曰文選沈約恩倖論明揚幽側惟才是與晁曰江漢垂綸公自言也

將赴荆南寄別李劍州弟

鶴曰公仕蜀連

往來梓閬間將欲出峽遊荆楚後竟不果

使君高義驅今古寥落三年坐劍州但見
文翁能化俗焉知李廣未封侯路經灩澦
雙蓬鬢天入滄浪一釣舟語特戎馬相逢
更何日春風回首仲宣樓洙曰前漢循吏傳文翁初爲蜀

郡太守仁愛好教化見蜀地僻陋有蠻夷
風乃選郡縣小吏開敏有材者遣詣京師
受業博士數歲皆成就還歸文翁又修起
學宮於成都市中招下縣子弟以爲學宮
弟子繇是大化文翁終於蜀吏民爲立祠
堂歲時祭祀不絕至今巴蜀好文雅文翁
之化也李廣傳廣與從弟子蔡俱爲郎蔡
積功武帝封爲樂安侯廣不得爵邑官不
過九卿廣之軍士及士卒或取封侯廣嘗
與望氣王朔言之朔曰將軍自念豈嘗有
恨者乎廣曰吾爲隴西守羌嘗反吾誘降
者八百餘人詐而同日殺之至今獨恨此
事朔曰禍莫大於殺降此乃將軍之所以
不得侯者也趙曰灑灑堆在巫峽之口滄
浪則漁父所歌滄浪之水在楚地公時欲
南下也洙曰魏王粲字仲宣以西京擾亂
乃之荊州依劉表嘗登
城樓作賦故云仲宣樓

奉寄別馬巴州

公自注時甫除京兆功曹在東川鶴

曰按公傳云公流落劍南結廬成都西郭召補京兆功曹參軍

不至會嚴武節度劍南東西川往依焉又按唐紀云上元二年

建丑月以嚴武爲成都尹以是知公之除功曹在是年冬也時

草堂方成道路多梗而嚴武又來是以不赴也

勲業終歸馬伏波功曹非復漢蕭何扁舟

繫纜沙邊久南國浮雲水上多獨把漁竿

終遠去難隨鳥翼一相過知君未愛春湖

色興在驪駒白玉珂

謂不能就別知必爲我來也春湖馬所居

或巴州景物也 洙曰馬伏波謂馬巴州
 也蕭何公自謂也 後漢馬援少有大志以
 功名自許封伏波將軍修可曰劉貢父詩
 話云杜詩功曹非復漢蕭何按曹參嘗為
 功曹非蕭何也 王定國云高祖紀為主
 吏孟康注曰主吏功曹也貢父言誤矣
 二說皆非按吳志虞翻為孫策功曹策曰
 孤有征討事未得還府卿復以功曹為吾
 蕭何守會稽耳 洙曰前漢上書傳注驪駒
 逸詩篇名也 見 容 辭
 云驪駒在 僕 馬 飾 也
 路 健 夫 聖 馬 飾 也

之江

江洋綺羅亂離 樂飄泊且聽歌故國
 川杼柱口 銀 波長日容盃酒深

流清渭如今花正多

趙曰方舟並舟也字出爾雅大觀曰深江

淨綺羅言江花色淨如綺羅也夢弼曰末句公思長安之景物也

陪王使君晦日泛江就黃家亭子

二首

鶴曰王使君謂閩州守也唐以正月晦日爲令節

山豁何時斷江平不肯流稍知花改岸始
驗鳥隨舟結束多紅粉歡娛恨白頭非君
愛人客晦日更添愁

右一

有徑金沙軟無人碧草芳野畦連蛺蝶江

江表詩十五
七
檻俯鴛鴦日
晚煙花亂
風生錦綉香
不須吹急管
衰老易悲傷

右二

南征

春岸桃花水雲帆
楓樹林偷生長避地
適遠更霑襟
老病南征日
君恩北望心
百年歌自苦
未見有知音

此等不忍再讀

久客

羈旅知交態
淹留見俗情
衰顏聊自哂
小

吏最相輕去國哀王粲傷時哭賈生狐狸

何足道豺虎正縱橫

洙曰漢書翟公書其門曰一貧一富乃知交

態漢末西京擾亂王粲去而依劉表於荆州賈誼文帝時上政事疏云可為痛哭者

一張綱傳豺狼當路安問狐狸

春遠

肅肅花絮晚菲菲紅素輕日長唯鳥雀春

遠獨柴荆

語近而別

數有關中亂何曾劍外清

故鄉歸不得地入亞夫營

鶴曰按史是年吐蕃雖退而二

月党項羌寇京兆之富平縣故云數有關中亂趙曰亞夫營在長安公之故鄉也漢

文帝時周亞夫
軍細柳以備寇

暮寒

霧隱平郊樹風含廣岸波
沉沉春色靜慘慘暮寒多
戍鼓猶長擊林鶯遂不歌
忽思

高宴會朱袖拂雲和

洙曰周禮大司樂奏雲和之琴瑟注雲和

地名以其產良材而中為瑟瑟也

愁坐

高齋見野林坐對門
月寒重孤

管籥清風起
北窗
見

憂奔走歸期未敢論

鮑曰葭萌屬利州見唐志左擔當作武擔

見成都記

雙燕

禹偁曰此詩子美託物比己意鶴曰公有意於出峽

旅食驚雙燕啣泥入此堂應同避燥濕

自喻

且復過炎涼養子風塵際來時道路長今

秋天地在吾亦離殊方

夢符曰左傳子罕曰吾儕小人皆有

闔廬以避燥濕寒暑

百舌

十朋曰百舌者反舌也能反覆其舌隨百鳥之音春轉夏

止

百舌來何處重重祇報春知音兼衆語整

翮豈多身花^密定藏難見枝高聽轉新過時

如發口君側有讒人

山谷曰余讀周書月令云反舌有聲佞人

在側乃解老杜百舌詩過時如發口君側有讒人之句鮑曰按周書月令乃周公時

也訓

地隅

江漢山重阻風雲地一隅年年非故物處

處是窮途喪亂秦公子悲涼楚大夫平生

心已折行路日荒蕪

洙曰謝靈運擬魏公子鄴中詩序王祭家

本秦川貴公子孫遭亂流寓自傷情多楚大夫屈原宋玉也

遊子

趙曰公時欲南下而尚在巴蜀故是篇有留滯之嘆

巴蜀愁難語吳門興杳然九江春草外三

峽暮帆前厭就成都卜休為吏部眠蓬萊

如可到衰白問羣仙

趙曰九江三峽正是南卜之所歷也洙曰

史記嚴君平避世賣卜於成都市中晉書畢卓為吏部郎比舍郎釀熟卓因醉夜至其甕間盜飲之為掌酒者所縛明旦視之乃畢吏部也趙曰公意已厭住成都言休為酒而眠更留滯於此非止南下遊吳而已蓬萊仙山可到則亦往矣

歸夢

道路時通塞江山日寂寥偷生惟一老伐

叛已三朝

紀事有情
百讀不厭

雨急青楓暮雲深黑

水遙夢歸歸未得不用楚辭招

趙曰楚地
多楓此言

南下之景黑水在鄴
杜之間去長安為近

江亭王閬州筵餞蕭遂州

離亭非舊國春色早他鄉
老田公短愁

從舞曲長二天開寵餞五
區生路

風塵接俱宜下鳳

陳
喜
賦
清
河

有二天師曰閩與遂皆屬蜀道故云川路
風煙接昔蕭史跨鳳而去王喬乘雙鳥飛
來皆神仙入故云俱宜下鳳凰以美二公
不凡也洙曰賈誼賦鳳凰翔于千仞兮覽
德輝而下之漢黃霸為潁川太守是時鳳
凰神爵數集郡國潁川尤多此以美二公
為郡之治效也

絕句二首

遲日江山麗春風花草香泥融飛鷺子沙

暖睡鴛鴦

富貴氣象

右一

江碧鳥逾白山青花欲然今春看又過何

日是歸年

右二

滕王亭子

公自注亭在玉臺觀內王曾典此州夢弼曰滕

王元嬰高祖之子也調露年間任閩州刺史在閩州有亭洪州

有閣又有碧落碑

君王臺榭枕巴山萬丈丹梯尚可攀春日

鶯啼修竹裏仙家犬吠白雲間

以亭在觀內故有下

句清江碧石傷心麗嫩蘂濃花滿目斑人

到于今歌出牧來遊此地不知還

右一

寂寞春山路君王不復行古牆猶竹色虛

閣自松聲鳥雀荒村暮雲霞過客情尚思

歌吹入千騎把霓旌

葉夢得詩話老杜滕王亭子詩云古牆猶

竹色虛閣自松聲若不用猶與自兩字則餘八字凡亭子皆可用不必滕王也此皆工妙至到人

力不可及

右二

玉臺觀二首

公自注滕王造趙曰觀在高處其中有臺

號曰玉臺也

中天積翠玉臺遙上帝高居絳節朝遂有

馮夷來擊鼓始知嬴女善吹簫

雖是江境語有神雋

以觀內有滕王亭子故有鼓簫之句

江光隱見龍鼉窟石勢

參差烏鵲橋更有紅顏生羽翰

翰作去聲今人以爲

訝未必敢用也

便應黃髮老漁樵

洙曰列子周穆王築臺號中天

之臺漢禮樂志游閭闔觀玉臺注上帝之所居修可曰顏延年詩攢素旣森靄積翠亦葱芊注松柏重布曰積翠洙曰曹植洛神賦馮夷鳴鼓女媧清歌馮夷乃河伯列仙傳簫史教秦女弄玉吹簫作鳳凰鳴嬴秦姓也淮南子烏鵲填河成橋而渡織女

右一

浩劫因王造平臺訪古遊綵雲蕭史駐文

字魯恭留

又極典重

宮闕通羣帝乾坤到十洲

水心觀字

人傳有笙鶴時過北山頭

趙曰道書惟有元始

浩劫之家梁孝王有平臺又以魯恭比滕王也以詩意推之滕王必有文書遺跡在焉洙曰道書中有十洲記皆言神仙境土列仙傳周靈王太子晉好吹笙作鳳鳴嘗乘白鶴駐緱氏山頭

右二

渡江

春江不可渡二月已風濤舟楫欹斜疾魚

龍偃卧高渚花張素錦汀草亂青袍戲問
垂綸客悠悠見汝曹

喜雨

南國旱無雨今朝江出雲入空纔漠漠灑
迴已紛紛巢燕高飛盡林花潤色分晚來
聲不絕應得夜深聞

趙曰南國指荆楚也
安石曰記云天降時

雨山川出雲故
可言江出雲也

送韋郎司直歸成都

竄身來蜀地

甫以避難奔走入蜀故言竄
身劉公幹贈五官詩余因沈

痼疾竄身
清漳濱

同病得韋郎

韋亦避難者故言同病吳越春秋子

胥曰子不聞河上歌乎同病相憐同憂相救

天下兵戈滿江邊

歲月長別筵花欲暮春日鬢俱蒼

一作春鬢色俱

蒼

爲問南溪竹

竹一作筍南溪之南也

卽抽梢合

過牆

公自注余草堂在城都西郭浣花里

將赴成都草堂途中有作先寄嚴

鄭公五首

此詩廣德二年春作嚴武先鎮蜀甫依之武入

朝蜀亂甫遂去之梓闔公聞武再鎮蜀故欲復歸草堂也

得歸茅屋赴成都直爲文翁再剖符

直一作真

昔文翁為蜀郡太守故以比嚴武也說文符信也漢制以竹長六寸分而相合文帝

二年初與郡守為銅虎符竹使符音義曰銅虎符第一至第五發兵遣使至郡合符

符合乃聽受之竹使符以竹長五寸鐫刻篆書亦第一至第五符者左留京師右以

與之是以出鎮亦謂之剖符甫言復歸草堂者以武之再鎮蜀耳但使閭

閭還揖讓此甫喜復歸得敢論松竹久荒

蕪此甫不敢以私己之園魚知丙穴由來

美由舊作猶後漢郡國志漢中郡沔陽縣西有丙穴鄴氏水經注丙穴出嘉魚常

以二月出十月入水泉縣注魚目穴下還入水穴口向丙故曰丙穴寰宇記興州順

政縣東南七十里有大山小丙山其崖北有穴方圓二丈餘其穴有水潛流土人

相傳名丙穴周地圖云其穴向丙因以爲
名沮水經穴間而過或謂之大丙水每春

三月上旬有魚長八九寸或二三日連綿
縱穴出相傳名嘉魚也段成式酉陽雜俎

丙穴魚食乳水食之甚温神農本草亦云
嘉魚味甘食之令人肥健悅澤此乳穴中

小魚常食乳水
所以益人也
酒憶鄆筒不用沽
鄆一作

笙甫思嚴武先待我之厚醉我以鄆筒之
酒而甫不須沽也成都記鄆縣因水得名

居人以筒釀酒蜀王杜宇所都華陽風俗
錄鄆人剝竹之大者傾春釀於筒閉以藕

絲包以蕉葉信宿香達於竹外然後斷之
以獻俗號鄆筒夢弼謂此說非也鄆筒乃

酒器也鄆出大竹土人截以盛酒故號鄆
筒故李商隱詩云錦石爲碁子鄆筒當酒

壺是
五馬舊曾諳小徑
甫謂武昔嘗過余

注
幾回書札待潛夫潛夫南
自比也

右一

處處青江帶白蘋爾雅釋草萍
之大者曰蘋故園猶得

見殘春故園指成都草
堂也園或作居雪山斥候無兵馬

謂西山之
亂靖也錦里逢迎有主人謂嚴武再鎮
成都也戰國

策田光造燕太子跪
而逢迎却行爲道休怪兒童延俗客不

教鵝鴨惱比鄰比頻脂切近也甫於武有
故舊之好而能如此則甫

之厚德與夫
慎重可見矣習池未覺風流盡况復荊州

賞更新武每訪草堂酣飲賦詠故甫白比
之習池荊州則以比武之來宴賞

復無窮也按晉山簡鎮襄陽諸習氏者荆
土豪族有佳園地簡每出戲多於池上輒
醉而歸名之
曰高陽池

右二

竹寒沙碧浣花溪

梁益記溪水出於江居人多造綵箋故號浣花

公之別館館後為崔寧宅捨為寺今尚存焉

菱刺藤梢咫尺迷

菱一作橘言別草堂之久宜其荒蕪也

過客徑須愁出入居

人不自解東西

解佳買切曉也以蓬蒿之僻也

書籤藥裏

封蛛網

籤千廉切驗也

野店山橋送馬蹄

言橋與店空送

馬蹄於道中往來而已益甫不在草堂故也

肯藉荒亭春草色

先判一飲醉如泥

判普官反切後漢周澤傳澤爲太常清潔循行

盡敬宗廟常臥病齋宮其妻鬪問所苦澤怒以妻干犯齋禁遂收詔獄時人爲之語曰生世不諧作太常妻一歲三百六十日三百五十九日齋一日不齋醉如泥余按裨官小說南海有蟲無骨名曰泥在水中則活失水則醉如一塊泥然

右三

常苦沙崩損藥欄也從江檻落風湍新松

恨不高千尺

新松甫指手植四松也按集有四松詩云霜骨不甚長是

也惡竹應須斬萬竿

甫歸故林竹之惡者斫之護其新美者按

又有詩曰今晨去千竿又曰疎是也

生理祇憑黃閣老

甫言生計皆仰于嚴武也
國史補兩省相呼為閣老
衰顏欲赴紫金

丹

丹陽抱陽山人大藥證煉粉為鉛化汞
為塵自然伏火去鉛取丹更入華池還

源反色再入神室更養火六十日成紫金
火丹若人服食化腸為筋變髓凝骨自然

不三年奔走空皮骨信有人間行路難
死三年奔走空皮骨信有人間行路難
詩古

難有行路
難篇

右四

錦官城西生事微

官或作里王荆公作錦
官生事城西微甫言薄

有常

烏皮几在還思歸

謂以烏皮為几也
謝眺詠烏皮隱几

詩蟠木生附枝彫刻豈無施
曲躬奉微用聊承終宴疲

昔去為憂亂

兵入今來已恐鄰人非恐經亂離而側身

天地更懷古回首風塵甘息機甫言厭奔走也共

說總戎雲鳥陣總戎謂嚴武為元帥也太公六韜曰既以被山而處

必為雲鳥之陣陰陽皆備又曰以車騎分為雲鳥之陣所謂鳥雲者鳥散而雲飛變

化無窮者不妨遊子芰荷衣遊子甫自謂也甫欲參軍謀不

妨吾逸態而衣芰荷之衣也屈原離騷篇製芰荷以為衣集芙蓉以為裳

右五

別房太尉墓閩州太守名房

武等交結貶郾州刺史寶應二年拜刑

部尚書在路遇疾廣德六年卒
於閬州僧舍年六十七也按唐
書上皇入蜀琯建議請分諸王
鎮天下其後賀蘭進明以此讒
之肅宗琯坐是卒廢不專以陳
濤之敗也司空圖房太尉漢中
詩曰物望傾心久凶渠破膽頻
注謂祿山初見分鎮詔書拊膺
嘆曰吾不得天下矣圖博學多
聞嘗謂朝廷且修史其言必有
自來今唐書不載此語
惜哉不爲一白之也

他鄉復行役駐馬別孤墳近淚無乾土

言

多而濕之也

低空有斷雲對碁陪謝傅

甫自言昔嘗對

房太尉圍碁如陪謝安石也晉謝安字安石薨贈太傅初苻堅入寇諸將退敗堅屯

于淮肥加安征討大都督姪謝元入問計
安指授將帥各當其任元等既破堅有驛
書至安方對客圍碁看書既竟
便攝於床上了無喜色碁如故
君把劍覓徐尉之墓出劉向新序延陵季子西聘晉
帶寶劍以過徐君徐君觀劍不言而色欲
之季子有上國之使而未獻也其心許之
致使於晉反則徐君已死於
是以劍繫徐君墓樹而去
唯見林花落

鶯啼送客聞

自閬州領妻子却赴蜀山行三首

鶴曰公出峽之計聞嚴
武再鎮成都遂歸草堂

汨汨避羣盜悠悠經十年不成向南國復

作遊西川物役水虛照魂傷山寂然我生

無倚著盡室畏途邊

趙曰物役水虛照言身爲物所役水亦徒

相照不得優游觀賞之也洙曰漢書地注著謂安土也趙曰左傳盡室以行莊子夫

畏途者十殺一則父子兄弟相戒也

右一

長林偃風色迴復意猶迷衫裛翠微潤馬

銜青草嘶棧縣斜避石橋斷却尋溪

宛轉語

何日兵戈盡飄飄愧老妻

洙曰棧謂蜀中閣道也

右二

行色遞隱見人煙時有無得高下之趣僕夫穿

竹語稚子入雲呼轉石驚魑魅擘弓落狢

騷直供一笑樂似欲慰窮途洙曰莊子車馬有行色趙曰擘

披耕切訓擊彈也洙曰狢猿屬魑鼠也

右三

山館

南國晝多霧北風天正寒蘇曰張茂先北風凜冽天色正

寒遊子不歸吾心如割路危行木杪身遠

雖有尺書吾不能達宿雲端洙曰鮑明遠詩雲端山鬼吹燈滅

厨人語夜闌

趙曰楚詞有山鬼篇此山館乃楚地矣晉傅元詩厨人進

藿茹有酒不盈杯

雞鳴問前館世亂敢求安

贈王二十四侍御契四十韻

往往雖相見飄飄媿此身不關輕紱冕

倉頡

篇紱綬也說文大夫以上冠也

俱是避風塵

甫以左拾遺出為華州功

曹而遂自罷官若輕紱冕者風塵之警不得不避亂也

一別星橋夜

華陽地志李冰守蜀造橋七上應斗魁七星

三移斗柄春

以志時也

斗杓隨時而指於昏指東則為春矣三移則三年矣春秋運斗樞曰北斗七星第一

名天樞第二至第四為魁第五至第七為杓杓即柄也

敗亡非赤壁

言潼關之敗兩京遂陷其禍酷烈始非赤壁之比也阮元瑜為曹公作書與孫權曰

昔赤壁之役遭罹疫氣燒船自還以避惡地非周瑜水軍所能控抑也江陵之守物

盡穀殫無所復據徙民還 **奔走為黃巾** 于為師又非周瑜所能敗也

偽切黃中以喻祿山也後漢皇甫嵩傳鉅鹿張角十餘年間眾徒數十萬遂置三十

六方方猶將軍號也靈帝中平元年一時俱起皆著黃巾為標幟時人謂之黃巾蜀

劉焉傳涼州逆賊數千人自號黃巾 **子去**又鄭元傳會黃巾寇青部避地徐州

何瀟灑 子指王 **余藏異隱淪** 甫因奔走避侍御也

非本志也餘 **書成無過鴈** 言欲寄書而乏詳見前注

帝即位匈奴與漢和親漢使復至匈奴常惠請其守者與俱得夜見漢使具自陳道

教使者謂單于言天子射上林中得鴈足有係帛書言武等在某澤中故范彥龍詩

寄書雲中鴈為我西北飛也衣故有懸鵲公自敘其貧也荀子子夏

貧衣如懸鵲如恐懼行裝數數色伶俜卧疾頻伶郎

丁切俜普丁切失所貌曉鷺工迸淚秋月解傷神春鷺

秋月人所賞翫而鷺所工者在於迸人之淚月所解者在於傷人之神則以亂離疾

病之所會面嗟顰黑李斯傳禹鑿龍門股感也

顰面目舍悽話苦辛謝靈運廬陵墓下詩舍悽託廣州古詩坎

珂長接輿還入楚言甫自蜀適荆衡故以

辛苦接輿是也王粲不歸秦自喻不得歸長安

粲為比也謝靈運擬魏公鄴公詩序云王粲本秦川貴公子孫遭亂流寓自傷情多

詩曰整裝辭秦川秣馬赴楚壤錦里殘丹竈言去錦城之久空殘煉藥

之壚花溪得釣綸言浣溪之人得我前日所遺之釣綸矣消

中祇自惜消中甫自謂有消渴之病也晚起索誰親蘇

各切謂流寓索居而無骨肉之親也或謂索音求索之索亦通也伏柱聞

周史柱史比王公之為侍御也劉向列仙傳李耳字伯陽陳人也生於殷時為

周柱丁史好養精氣轉為守乘槎有漢臣

藏史王康琚詩老聃伏柱史乘槎有漢臣

蕃豈非美王侍御嘗使吐餘見查上似張騫注內

龍言王侍御不可

易狎

樂府莫狎鴛鴦鴻侶曹
植曰嗟龍虎之未馴
客即挂冠至交非傾

蓋新

時王侍御守漢州甫自秦亭棄拾遺而來今一見之有如舊相識也晉葛洪

掛冠不仕孔叢子孔子與程子相遇於途傾蓋而語鄒陽傳白頭如新傾蓋如故

由來意氣合直取性情真浪跡同生死無

心恥賤貧

言共遭亂離而為密友真可以托死生而不以甫之貧賤為恥

也偶然存蔗芋幸各對松筠麤飯依他日

窮愁怪此辰女長裁褐穩

長字如

男大卷書

勻

兩聯通義言麤糲之飯依如他日所以窮愁者在乎女長男大則婚嫁之事來

相迫矣

溯口江如練

溯普崩切又普冰切此已下言王侍御之所居

也樂史寰宇記李冰權江作瀕曰瀕堰在導江縣又云瀕口在彭州或云瀕口岷江

所經謝元暉詩 蠶崖雪似銀 王洙云蠶崖關在西山黃

庭堅云蠶崖在茂州帶雪 名園當翠巘 魚

山魯書云蠶崖在松州 野棹沒青蘋 屢喜王侯宅 王侯宅統言

切 鄭公 時邀江海人 甫自謂常為嚴鄭 追隨

不覺晚欵曲動彌旬 但使芝蘭秀 甫期與

心德之芳有如芝蘭之秀也易曰同心之

之言其臭如蘭是也或謂晉謝 谷叔父

安曰子弟譬如芝蘭玉 何 子鄰 堂在

樹欲使其生於庭階 孔洽

成都 縣故

宇惟鄰

山陽無俗物

言王侍御之門下無俗客也向秀與嵇康為竹

林之遊經康所居之山陽作思舊賦云濟黃河以泛舟兮經山陽之舊居阮籍謂王

戎曰俗物亦復來敗人意

鄭驛正留賓

又以鄭莊比王侍御之禮賢也

史記鄭莊為太子舍人嘗置驛馬於長安諸郊請謝賓客夜以繼日

出入並

鞍馬

鮑照詩鞍馬光照地

光輝參席珍

儒行儒有席上珍以待聘

重遊先主廟

先主廟今在南門外

更歷少城闐

少城張儀

所築也

石鏡通幽魄

蜀主葬其妃殉以石鏡

琴臺隱絳

唇

琴臺乃司馬相如彈琴之所餘並見前注

送終惟冀土結愛

獨荆榛

此兩聯又寓意傷鄭公之死朋舊凋喪今遇王詩御禮待之隆可以

駐足也置酒高林下觀碁積水濱此聯以下

依王侍御也或者又謂此以結上句初以石鏡送終今墓中之人已冀土矣以琴結

夫婦之好今則徒生荆棘矣既往之事為可弔則置酒觀碁以遣懷耳區區

甘累趼趼古典切足瘡也莊子百舍重趼而不息稍稍息勞筋

網聚粘圓鯽絲繁煮細尊尊音純水菜也此聯又言歸浣

花草堂之樂也餘見前注長歌敲柳瘦瘦於郢切謂鐫也瘡也曹植詩

我有柳癭瓢是也小睡凭藤輪藤輪謂車也鮑照詩花蔓引藤輪是

也農月須知課田家敢忘勤忘無切浮生難

去食良會惜清晨列國兵戈暗今王德教

淳要聞除狻猊

獸名鳥八切猊勇主切狻猊

狻猊類羆虎爪食人飛走郭璞注羆大如狗文如狸淮南子本經訓狻猊為害堯使

羿殺之萬民皆喜

休作畫麒麟

但以除狻猊為心不必志於畫形麒麟

麟閣上也餘見今代麒麟閣注

洗眼看輕薄

輕薄言公道之不終者甫

蓋有激而云耳

虛懷任屈伸莫令膠漆地萬古重

雷陳

甫之望王侍御者至矣後漢陳重與雷義為友時人語曰膠漆自謂堅不

如雷與陳

卷第二十五

四頁下七至九行注

「誇大言之歐公」

「討平之

故云洙曰蜀將關羽字雲長先主收江南諸郡拜羽
為襄陽太守蓋寇將軍駐江北先主西定益州拜羽
督荊州事後漢寇恂字子翼光武收河內拜恂為太
守後移潁川又移汝南太

六頁下一至六行注

「謂馬巴州」

「少有大志以

「劉貢父詩話」
「高祖紀何為主吏」
「貢父之
言誤矣」
「為孫策功曹策曰」
「還府卿復以功
曹」
「洙曰前漢王式傳注驪駒」
「見大戴禮客

欲去歌之其辭云驪駒在門僕夫具存驪駒在路僕夫整駕珂者馬勒飾也

六頁下七至九行正文 一泛江 一方舟不用楫極

目總無波長日容盃酒深江淨綺羅亂離還奏樂飄泊且聽歌故國

八頁下八至九行正文 一高齋常見野愁坐更臨門

十月寒山重孤城水氣昏葭萌氏戎屯終日

一頁下六至八行正文 一春色是他鄉老畏歌聲短

愁從舞曲長二天開寵餞五馬爛生光川路風煙接

俱宜下鳳凰

一頁下八至九行注 一 洙曰後漢蘇章遷冀州刺史

故人為清河太守章行部案其姦賊乃請太守設酒
肴陳平生之好太守喜曰人皆有一天我獨一

六頁下九行注 一 按集有詩曰今晨去千竿又曰步

屨萬竹疎一

七頁下八至九行注 一 名房瑄字次律河南人常與

嚴武等交結貶邠州刺史一

二頁下八至九行正文 一 駕鴻不易狎龍虎未宜馴

二頁下八至九行注 一 使吐蕃呼餘見一 一 不可得

而親近如駕鴻龍虎之莫能狎馴也古一

三頁下八行正文

「何煩棟字鄰」

三頁下七至九行注

「謝元答叔父安」
「於庭階

耳」
「甫草堂在成都浣花里王侍御所居在導江

縣故有是句陶潛答鮑參軍四言詩歡心孔洽棟」

而頁上四行注

「言交道之不終」

新刊校定集注杜詩卷第二十六

近體詩

寄董卿喜榮十韻

聞道君牙帳防秋近赤霄下臨千雪嶺却
背五繩橋海內久戎服京師今晏朝犬羊
曾爛漫宮闕尚蕭條猛將宜嘗膽龍泉必
在腰黃圖遭污辱月窟可焚燒

謂宮殿

會取

干戈利無令斤候驕居然雙捕虜自是一
嫖姚落日思輕騎秋天憶射鵬雲臺畫形

像皆為掃氛妖

洙曰牙帳則元帥建牙旗於帳前也鶴曰防秋近赤

霄言列戍西山三城之高也洙曰雪嶺即西山繩橋在岷江史記越王句踐反國苦身勞思飲食嘗膽不忘會稽之恥龍泉楚王劔名也趙曰書有三輔黃圖言秦漢宮苑制度洙曰長楊賦西壓司窟西域傳斥候百人五分之夜擊刁斗自衛漢光武拜馬武捕虜將軍明帝初復拜武捕虜將軍霍去病為嫖姚校尉修可曰北史斛律光工騎射嘗射一大禽形如車輪而下乃鵬也邢子高曰此直射鵬手當時號為落鵬都督趙曰漢明帝圖畫二十八將於南宮雲臺

寄司馬山人十二韻

關內昔分袂天邊今轉蓬驅馳不可說談

笑偶然同道術曾留意先生早擊蒙家家
迎薊子處處識壺公長嘯峨嵋北潛行玉
壘東有時騎猛虎虛室使仙童髮少何勞
白顏衰肯更紅望雲悲輶軻畢景羨冲融
喪亂形仍役淒涼信不通懸旌要路口倚
劔短亭中永作殊方客殘生一老翁相哀

骨可換亦遣馭清風

洙曰後漢方術傳薊子訓有神異之道既

到京師公卿以下候之者坐上常數百人
費長房爲市椽市中有一老翁賣藥懸一壺
於肆頭及市罷輒跳入壺中市人莫之見
惟長房於樓上覩之異焉因往再拜翁乃

與俱入壺中趙曰史記云搖搖懸旌無所
終薄莊子曰夫列子御風而行泠然善也

寄李十四員外布十二韻

公自注
新除司

議郎兼萬州別駕雖
尚伏枕已聞理裝

名參漢望苑職述景題輿巫峽將之郡荆
門好附書遠行無自苦內熱比何如正是
炎天闊那堪野館疎黃牛平駕浪畫鷁上
凌虛試待盤渦歇方期解纜初悶能過小
徑自爲摘嘉蔬渚柳元幽僻村花不掃除
宿陰繁素奈紅蕖寂寂夏先晚冷

冷風有餘江清心可瑩竹冷髮堪梳直作

移巾几秋帆發敞廬

洙曰漢博望苑武帝為戾太子置之使通

賓客從其所好夢弼曰司議太子官屬也
以李布新除司議郎故用博望苑事洙曰
後漢周景為豫州刺史辟陳蕃為別駕蕃
不就景題別駕輿曰陳仲舉座也洙曰內
熱字出莊子黃牛峽名修可曰畫鷁者船
頭畫為鷁以厭水神洙曰郭璞江賦盤渦
轉谷

歸來

客裏有所適歸來知路難開門野鼠走散
帙壁魚乾洗杓開新醞低頭著小冠憑誰

給麴蘖細酌老江干

本作低頭拭小盤一作著小冠先生云著

小冠勝洙曰謝元暉詩散帙問所知注帙書衣也沈曰郭璞注衣書中蟲今人謂之壁魚定功曰壁魚白魚也俗傳壁魚入道經函中因蠹食神仙字身有五色人得而吞之可致神仙

王錄事許修草堂貲不到聊小詰

爲嗔王錄事不寄草堂貲昨屬愁春雨能

忘欲漏時

其題可備口實其詩可刪

寄邛州崔錄事

邛州崔錄事聞在果園坊久待無消息終

朝有底忙應愁江樹遠怯見野亭荒浩蕩

風塵外誰知酒熟香

洙曰果園坊在成都

過故斛斯校書莊二首

公自注老儒艱難時

病于庸蜀歎其歿後方授一官
鶴曰即斛斯六乃草堂之鄰公

所謂酒伴者

此老已云歿鄰人嗟未休竟無宣室召徒

有茂陵求

極是恨意後來作者皆不及簡齋步步驟略近

妻子寄

他食園林非昔遊空餘總帷在浙浙野風

秋

洙曰漢文帝召賈誼於宣室司馬相如病免家居茂陵武帝使所忠往取其書

至則相如已死問其妻曰長卿未死時爲一卷書言有使來求書奏之於是所忠奏焉天子異之其遺書言封禪事謝元暉詩茂陵將見求

燕入非傍舍鷗歸祗故池斷橋無復板臥

柳自生枝

又悲於他作

遂有山陽作多慚鮑叔

知素交零落盡白首淚雙垂

洙曰向秀與嵇康爲竹林

之遊後經山陽嵇康之居作思舊賦鮑叔與管仲交管仲曰生我者父母知我者鮑子劉孝標也交論素交盡利反興

立秋日雨院中有作

山雲行絕塞大小復西流飛雨動華屋蕭
蕭梁棟秋窮途愧知己暮齒借前籌已費
清晨謁那成長者謀解衣開北戶高枕對
南樓樹濕風涼進江喧水氣浮禮寬心有
適節爽病微瘳主將歸調鼎吾還訪舊邱

洙曰張良願借前箸以籌之趙曰公謂晚年得預嚴府參謀也趙曰禮寬心有適謂嚴武待以禮數之寬病微瘳公素有肺病也洙曰主將謂嚴武也公相期武還朝秉政曰吾當遂歸計矣希曰舊邱指長安故居也

奉和嚴鄭公軍城早秋

秋風嫋嫋動高旌

嫋嫋奴鳥切長弱貌

玉帳

分弓射虜營已收滴博雲間戍

滴博屯戍之地名雲

間以言其高也

更奪蓬婆雪外城

蓬婆城名也按編年通載廣德

二年嚴武破吐蕃于當狗城克鹽州城吐蕃傳天寶二年已前王昱兵次蓬婆嶺

附嚴武詩

昨夜秋風入漢關

借漢以言唐也

朔雲邊雪滿西

山

西山即雪山也謂其冬夏常積雪故也

更催飛將追驕虜

漢匈奴常號李廣為飛將軍驕虜指吐番也

莫遣沙場匹馬還

此戒之辭也春秋公羊傳匹馬隻輪無反者

院中晚晴懷西郭茅舍

幕府秋風日夜清澹雲疎雨過高城葉心

朱實堪時落

堪者不甚也

階面青苔先自生復

有樓臺銜暮景不勞鐘鼓報新晴浣花溪

裏花饒笑肯信吾兼吏隱名

趙曰汝南先賢傳鄭欽吏

隱於蟻陂之陽夢弼曰
晉山濤吏非吏隱非隱

到村

碧澗雖多雨秋沙先少泥蛟龍引子過荷
芰逐花低老去參戎幕歸來散馬蹄稻梁

須就列榛草卽相迷蓄積思江漢頑踈惑

町畦

久有意出蜀不曉人事分爾我殆幕中不合故

暫酬知己

分還入故林棲

鄭曰先先見切洙曰曹子建詩俯身散馬蹄蒼舒曰

莊子彼且為無町畦亦與之為無町畦

宿府

清秋幕府井梧寒

魏明帝詩雙梧生空井詩家用井梧自此始矣

獨宿江城蠟炬殘永夜角聲悲自語中天

月色好誰看風塵荏苒音書絕關塞蕭條

行路難已忍伶俜十年事

伶郎丁切俜普切失所貌甫

遭亂奔走自廣德二年逆數至天寶十四載凡十年矣

彊移棲息一

枝安

甫時寓嚴武幕爲參謀此一枝之安也莊子逍遙遊篇鷓鴣巢於深林不

枝過一

遣悶奉呈嚴公二十韻

白水

客

魚竿自比太公

清秋鶴髮翁胡爲來

菜下秣合在舟中

仕宦失志不能決絕如此

黃卷真如

律青袍也自公老妻憂坐痺幼女問頭風

平地專敬倒分曹失異同禮甘衰力就

忝上官通疇昔論詩早光輝仗鉞雄寬

存性拙翦拂念途窮露裊思藤架烟霏

桂叢信然龜觸網直作鳥窺籠

不得語

嶺紆村北南江繞舍東竹皮寒舊翠柳

雨新紅浪簸船應坼杯乾甕卽空藩籬

野徑一童束縛酬知己蹉跎效

忠司之太簡遂匆匆

時放倚梧桐

梧

嚴武公在幕府得關通於上官矣洙曰龜
觸網用史記龜策傳神龜抵網而遭漁者
得之鳥窺籠用潘岳秋興賦池魚籠鳥而
有江湖山藪之思師曰西嶺南江述浣花
里之景也洙曰束縛者言性本疎散也大
觀曰別業指草堂也夢弼曰物色謂形容
之老公有望於嚴武
俾得遂倚桐之適也

送舍弟穎赴齊州三首

岷嶺南蠻北徐關東海西此行何日到送
汝萬行啼絕域惟高枕清風獨杖藜危時
暫相見衰白意都迷

趙曰徐關齊地言弟
自岷蜀起發而之齊

耳

右一

風塵暗不開汝去幾時來兄弟分離苦形

容老病催江通一柱觀日落望鄉臺客意

長東北齊州安在哉

鄭曰荆州有一柱觀
士人呼為木履觀洙

曰成者... 鄉臺乃
清圖三香所創也

右二

諸姑今海畔兩弟亦山東去傍干戈覓來

看道路通短衣防戰地匹馬逐秋風莫作

俱流落長瞻碣石鴻

鶴曰按公作范陽太守
盧氏墓誌盧氏所出

有適會稽賀撫會稽瀕於海也趙曰徐州
近海則是山東矣洙曰趙武靈王好胡服
士皆短衣洙云劉孝標廣絕交論附騏驎
驎之旌端鞅歸鴻于碣石注海畔山也

右三

嚴鄭公塔下小松

得霑字

弱質豈自負移根方爾瞻細聲聞玉帳

聞

作疎翠近珠簾未見紫烟集虛蒙清露霑

何當一百丈敬蓋擁高簷

嚴鄭公宅同詠竹

得香字

綠竹半含籜新梢纔出墻色侵書帙晚陰

過酒罇涼雨洗娟娟淨風吹細細香但令

無翦伐會見拂雲長

孫季昭示兒編云花竹亦有無香者世所

共知櫻桃初無香退之云香隨翠籠擎初重則以香言之竹與枇杷本無香子美云風吹細細香枇杷樹樹香則皆以香稱之至于太白又以柳為有香其曰白門柳花滿店香是也若夫荆公梅詩有云少陵為爾添詩興可是無心賦海棠豈謂海棠無香而不賦乎

奉觀嚴鄭公廳

嶂插雕梁直訝松杉冷兼疑菱荇香雪雲
虛點綴沙草得微茫嶺雁隨毫末川蜺飲
練光霏紅洲藻亂拂黛石蘿長暗谷非關
雨丹楓不為霜秋成元圃外景物洞庭傍
繪事功殊絕幽襟興激昂從來謝太傅邱

壑道難忘

夢游曰禹貢岷山導江東別為
沱稟字記沱水在成都府新繁

縣誠齋詩話云老杜山水圖云沱水臨中
座岷山起此堂白波吹粉壁青嶂插雕梁

此以畫為真也曾吉甫云斷崖韋偃樹小
雨郭熙山真為畫也沫曰秋成一作秋城

太傅謝安也安雖受朝廷
寄東山之志始末不渝

晚秋陪嚴鄭公摩訶池泛舟

公自注也

在府內摩訶池
所明同

湍駛風醒
船行
起陵高城秋自落雜

樹晚相迷
坐觸鴛鴦起
來傾翡翠低
莫須

驚白鷺為伴宿清溪

與曰駛苦史切疾貌
也題曰清溪公指流

花溪
爾

陪鄭公秋晚北池臨眺

鶴曰公在
武幕中

自遣悶有作奉呈後如詠竹泛
舟觀岷池畫圖至北池臨眺皆
分韻賦詩其情分極密如此而
史謂嚴武中頗銜之不知何所

本而
云

北池雲水闊華館闢秋風獨鶴先依渚衰
荷且映空采菱寒刺上踏藕野泥中素楫
分曹往金盤小徑通萋萋露草碧片片晚
旗紅杯酒霑津吏衣裳與釣翁異方初豔
菊故里亦高桐搖落關山思淹留戰伐功
嚴城殊未掩清宴已知終何補參軍乏歡

娛到薄躬

本中曰何補參軍
之一作參軍事

初冬

垂老戎衣窄歸休寒色深漁舟上急水獵
火著高林日有習池醉愁來梁父吟干戈
未偃息出處遂何心鶴曰按是年十月嚴
武攻吐蕃鹽川城克
之公在幕府故亦衣戎衣也趙曰日有習
池醉謂陪嚴武出也愁來梁父吟公以諸
葛亮自
比也

正月三日歸溪上有作簡院內諸

公

野外堂依竹籬邊水向城蟻浮仍臘味

謂酒

也南都賦醪敷徑寸浮蟻若萍釋名酒有
沉齊浮蟻在上周庾信謝賜酒詩浮蟻對

春開鷗泛已春聲

南越志鷗水鳥也在漲海中隨潮上下三月風至乃

去藥許鄰人劓

公之不吝如此按集有天寒劓茯苓之句謂以鐵錐

劓地而得之也

書從稚子擎

言文書多任稚子也

白頭趨幕

府深覺負平生

公自嘆老而猶參嚴鄭公故人之幕府也

敝廬遣興奉寄嚴公

野水平橋路春沙映竹村風輕粉蝶喜花

暖蜜蜂喧把酒宜深酌題詩好細論府中

瞻暇日江上憶詞源

邀其過我語涉進退頗自負

跡忝

朝廷舊情依節制尊還思長者轍恐避席

爲門

趙曰隋文藝傳云筆有餘力詞無竭源鶴曰嚴武時尹成都節制兩川洙

曰陳平家負郭窮巷以席爲門然門外多長者車轍趙曰公欲枉嚴公之駕故用陳

平事以

邀之

春日江村五首

農務村村急春流岸岸深乾坤萬里眼時

序百年心

使人無復思致故不可及

茅屋還堪賦桃源

自可尋艱難昧生理飄泊到如今

右一

迢遞來三蜀蹉跎又六年客身逢故舊發

興自林泉過懶從衣結頻遊任履穿藩籬

頗無限恣意向江天

趙曰蜀郡廣漢郡犍為郡為三蜀鶴曰公

以乾元二年冬入蜀至是六年矣洙曰董威輦衣百結衣夢弼曰莊子衣敝履穿貧也非憊也○一本作藩籬無限景恣意買江天

右二

種竹交加翠栽桃爛漫紅經心石鏡月到

面雪山風赤管隨王命銀章付老翁豈知

牙齒落名玷薦賢中

洙曰石鏡雪山皆在蜀中注見前漢官儀

尚書令僕丞郎月給赤管大筆一雙公時為檢校尚書工部郎故云鶴曰公為工部

員外郎賜緋魚袋考漢表銀章青綬注銀
印背紐其文曰章謂刻曰某官之章唐雖
無賜印者公謂銀章特指魚袋而言耳趙
曰銀章方賜來故次篇有垂朱紱之句

右三

扶病垂朱紱歸休步紫苔郊扉存晚計幕
府媿羣材燕外時絲卷鷗邊水葉開鄰家

送魚鼈問我數能來

洙曰紱古蔽膝也象冕服以韋爲之希曰

漢韋賢傳黼衣朱紱師古注曰朱紱爲朱裳畫爲亞文也亞古弗字故因謂之紱又

黼作

右四

羣盜哀王粲中年召賈生

羣盜中年皆不
必事實政是作

者登樓初有作前席竟為榮宅入先賢傳

才高處士名異時懷二子春日復含情

洙曰

漢末王粲以西京擾亂之荆州嘗思歸作
登樓賦故先賢傳載荆州有王粲宅漢文
帝以賈誼為長沙王太傅歲餘思誼徵至
宣室因問以鬼神事帝不覺前席曰吾久
不見賈生自以為
過之今不及也

右五

絕句六首

日出籬東水雲生舍北泥竹高鳴翡翠沙

僻舞鷓鴣

夢弼曰翡翠羽雀翠青羽雀上林賦注鷓鴣雞黃白色長頸赤喙

右一

藹藹花蘂亂飛飛蜂蝶多幽棲身嬾動客
至欲如何

右二

鑿井交櫻葉開渠斷竹根扁舟輕裊纜小
逕曲通村

右三

急雨捎溪足斜暉轉樹腰隔巢黃鳥並翻

藻白魚跳

右四

舍下筍穿壁庭中藤刺簷地晴絲冉冉江
白草纖纖

右五

江動月移石溪虛雲傍花鳥棲知故道帆
過宿誰家

右六

絕句四首

堂西長筍別開門
塹北行椒却背村

宛曲有趣

梅熟許同朱老喫
松高擬對阮生論

公自注朱

阮劍外相知趙
曰行椒蓋成行者

右一

欲作魚梁雲覆湍
因驚四月雨聲寒
青溪

先有蛟龍窟竹石
如山不敢安

洙曰覆一作復去聲

趙曰魚梁乃劈竹積石橫截中
取魚而溪下有蛟龍窟故未

右二

兩箇黃鸝鳴翠柳
一行白鷺上青天
牕舍

西嶺千秋雪門泊東吳萬里船

此千秋萬里是甚氣

槩非苟也

洙曰西嶺卽西山也冬夏常

積雪鶴曰公在浣花未嘗不繫舟也趙曰

公之志每欲南下今言所泊門外之船乃

欲往東吳萬里之船也漫叟詩話云詩中

有拙句不失爲竒作若退之逸詩云偶上

城南土骨堆共傾春酒兩三杯子美詩云

兩箇黃鸝鳴翠柳一行白鷺上青天是也

右三

藥條藥甲潤青青色過棕亭入草亭苗滿

空山慙取譽根居隙地怯成形

右四

陪李七司馬阜江上觀造竹橋即

日成往來之人免冬寒入水聊題

短作簡李公

鶴曰此詩當是公在蜀州作詳見後篇高

使君成都
回題下注

伐木為橋結構同褰裳不涉往來通天寒

白鶴歸華表日落青龍見水中顧我老非

題柱客知君才是濟川功合歡却笑千年

事

如此下合歡字
誰曉頗疑其誤

驅石何時到海東

夢弼曰橋

前二柱曰華表故以白鶴為言也青龍以
喻橋影然朝野僉載河北道趙州有石橋

甚工則天時默吸破趙州至石橋馬跪地
不進但見青龍臥橋上奮迅而怒乃遁去
洙曰成都有昇仙橋相如初西去題其柱
曰不乘駟馬車不復過此橋書若濟巨川
用汝作舟楫趙曰言與賓客落橋之成而
歡飲因笑往事之勞徒驅石以下海也洙
曰秦始皇作石橋欲過海看日出處有神
人能驅石下海石去不速神輒鞭之石皆
血流

觀作橋成月夜舟中有述還呈李

司馬

把燭橋成夜迴舟客坐時天高雲去盡江
迴月來遲衰謝多扶病招邀屢有期異方

乘此興樂罷不無悲

李司馬橋了承高使君自成都回

鶴曰時高適守蜀州而攝成都故云自成都回按九域志成都在蜀州之東故詩中云橋東待使君又知公是詩在蜀州作也

向來江上手紛紛三日功成事出羣已傳

童子騎青竹揔擬橋東待使君

洙曰後漢郭伋爲并

州牧始至行部有童兒數百騎竹馬道次迎拜

江上值水如海勢聊短述

爲人性僻耽佳句語不驚人死不休老去

詩篇渾謾興春來花鳥莫深愁新添水檻
供垂釣故著浮槎替入舟焉得思如陶謝
手陶淵明
謝靈運令渠述作與同遊

寄杜位

公自述位京中有宅
近西曲江詩尾有述

近聞寬法離新州想見歸懷尚百憂逐客
雖皆萬里去悲君已是十年流干戈况復

塵隨眼鬢髮還應雪滿頭玉壘題書心緒

亂何時更得曲江遊

夢弼曰新州屬廣南
道公之侄杜位貶新

州時朝廷寬其罪移之於近郡按集有杜
位宅守歲詩當是明年位卽被謫故云已

是十年流也洙曰玉壘蜀之坊名趙曰玉壘在蜀州青城縣公時自成都過青城因寄此詩夢弼曰江曲江在長安爲勝遊之地杜位有宅近焉

題桃樹

小徑升堂舊不斜
五株桃樹亦從遮
高秋總餽貧人實
來歲還舒滿眼花
簾戶每宜通乳鷺
兒童莫信打慈鴉
寡妻羣盜非今日
天下車書正一家

舍弟占歸草堂檢校聊示此詩

久客應吾道

猶云我道蓋是

相隨獨爾來孰知江

路近頻爲草堂迴鵝鴨宜長數柴荆莫浪

開省事

東林竹影薄臘月更須裁

暮登四安寺鐘樓寄裴十迪

暮倚高樓對雪峰僧來不語自鳴鐘孤城

返照紅將斂返照夕陽也

近市浮烟翠且重多

病獨愁常闕寂

闕古鵲切闕僻靜也易窺其戶闕其無人注闕寂也

故人相見未從容

從容欸曲也

知君苦思緣詩

瘦思去聲

太向交遊萬事慵

李白有戲贈甫詩借問年來何

瘦生只爲從前作詩苦

觀李固請司馬弟山水圖三首

簡易高人意匡牀竹火爐寒天留遠客碧

海挂新圖雖對連山好貪看絕島孤羣仙

不愁思

有味外味

冉冉下蓬壺

夢弼曰淮南子匡牀弱席非不

寧許慎注
匡安也

右一

方丈渾連水天台總映雲人間長見畫老

去恨空聞

自傷足力之不繼也上句亦足媿人之不能往者

范蠡

舟偏小王喬鶴不羣此生隨萬物何處出

塵氛

夢弼曰孫綽天台賦涉海則有方丈蓬萊登陸則有四明天台皆古聖之

所由化神仙之所窟宅洙曰范蠡為越破吳功成名遂乃乘扁舟泛江湖變姓名適齊為鴟夷子趙曰其圖必畫舟與鶴故以范蠡王喬比之王喬鶴事注見前

右二

高浪垂翻屋崩崖欲壓牀野橋分子細沙
岸繞微茫紅浸珊瑚短青懸薜荔長浮查

並坐得仙老暫相將

總是好語 夢弼曰王子年拾遺記堯時

有巨查浮於西海查上有光若星月查浮四海十二年一周天名曰貫月查又曰挂

星查羽仙接息其上

右三

散愁二首

久客宜懸旆興王未息戈蜀星陰見少江
雨夜聞多百萬傳深入寰區望匪他司徒

下燕趙收取舊山河

望李光弼之深也光弼為檢校司徒

收河北寶應元年進封臨淮王

右一

聞道... 種尚書... 上齊

原也

... 為河... 甲... 詩... 以司

空王公是也上禮薨元二年思禮薨幾時通薊北謂平安史當

日報關西謂長安以西也戀闕丹心破霑衣皓首

啼老魂招不得歸路恐長迷屈原有招魂篇

右二

至後

冬至至後日初長遠在劍南思洛陽青袍
白馬有何意金谷銅駝非故鄉梅花欲開
不自覺棣萼一別永相望語極有興愁極本憑

詩遣興詩成吟詠轉淒涼夢弼曰金谷園銅駝陌豈非洛

陽故鄉行樂之勝境乎劉禹錫楊柳詞云金
谷園中鶯亂飛銅駝陌上好風吹是也

撥悶

一作贈嚴
二別駕

聞道雲安麴米春纔傾一盞卽醺人乘舟
取醉非難事下峽銷愁定幾巡長年三老
遙憐汝揆拖開頭捷有神已辦青錢防顧
直當令美味入吾唇

夢弼曰雲安縣屬夔
州今爲雲安軍東坡

志林退之詩曰百年未滿不得死且可勤
買拋青春國史補云酒有郢之富水烏程
之若下滎陽之土窟春富平之石凍春劍
南之燒春杜子美亦云聞道雲安麴米春
才傾一盞卽醺人裴劂作傳奇記裴航事
亦有酒名松醪春乃知唐人名酒多以春

則拋青春亦必酒名也趙曰東坡詩麴米
春香並舍聞蓋出于此長年三老川中呼
老川申呼舟師之名夢弼曰峽中以篙師
為長年施工三老今俗謂之翁洙曰開頭
一作鳴鏡皆行船貌初行船曰開頭鄭曰
挨練結切拗挨也趙曰川人不可以準折一
色見錢
為青錢

登高

風急天高猿嘯哀

王洙曰宋玉云天高而氣清潘安仁勁風淒急

渚清沙白鳥飛迴無邊落木蕭蕭下

洙曰江賦

尋之無邊楚詞洞庭波兮木葉下又風颯颯兮木蕭蕭

不盡長江袞

袞來

洙曰謂不舍晝夜故云不盡

萬里悲秋常作客

洙曰

宋玉悲秋

百年多病獨登臺

洙曰相如多病臥於茂陵

艱難

苦恨繁霜鬢潦倒新亭濁酒盃

洙曰嵇康曰酒一盃

潦倒 麓 麓味

九日

廣德元年秋闕州冬梓州作

去年不飲酒 今年不飲酒 治江濱

白髮不 故老 在 無數新世

久為家 悠悠常傍人 酒闌却憶

事腸斷 山清 梓州

射江孫曰驪山指
舊日明皇遊幸也

秋盡

鶴曰是年秋公自梓州歸
成都迎家冬再往梓州

秋盡東行且未迴茅齋寄在少城隈籬邊

老却陶潛菊江上徒逢袁紹杯雪嶺獨看

西日落劍門猶阻北人來不辭萬里長爲

客懷抱何時獨好開

鶴曰成都大城西有
少城洙曰典略云劉

松袁紹在河朔於三伏之
際酬飲避暑號爲河朔飲

老病


老病巫山裏稽留楚客中藥殘他日裹花

發去年叢夜足霑沙雨春多逆水風合分

雙賜筆猶作一飄蓬

趙曰漢官儀尚書令僕丞郎月給赤管大

筆一雙公嘗爲尚書工部郎故云



卷第二十六

二頁下九行正文 一 奈過雨亂紅葉

四頁下八至九行注 一 廣德三年秋成都府幕中作

七頁上五至九行正文 一 白水魚竿客 一 幕下祗

一 真如律 一 問頭風 一 就義忝 一 雄寬容

七頁下一至九行正文 一 烟霏想桂叢 一 西嶺紆

村北 一 翠椒竇雨新 一 空藩籬生野徑斤斧任

樵童 一 效小忠周防期稍稍 一 曉入朱扉啟昏歸

畫角終不成尋別業未敢息微躬烏鵲愁銀漢駕駘

怕錦幪會希全物色時放倚梧桐

七頁下二至九行注 不得志之語 信憂讒之

態可念 即據槁梧而瞑但增桐字迥異 趙曰

上官指

八頁下五行注 成都有望鄉臺乃隋蜀王秀所創

也

九頁下七至九行正文 鄭公廳事岷山施江畫圖

十韻 施水臨中座岷山赴此堂白波吹粉壁青

九頁下八行注 得志字

一〇頁下二行注 內蕭摩訶所開因是得名

一〇頁下三行正文 湍駛風醒酒船回霧起隄高城

秋日落

一五頁下七行注 截中流以取 未敢安也

二〇頁下八行正文 聞道并州鎮尚書訓士齊

二〇頁下八至九行注 并州太原也乾元中李光弼

徙河陽王思禮代為河東節度使是時遷兵部尚書

其後加司空則八哀詩稱之以司

三頁下四至五行注 作鶴曰是年秋公自梓暫往

閬州冬復至梓州

三頁下六至九行正文 去年登高鄆縣北今年重

在涪江濱苦遭白髮不相放羞見黃花無數新世亂

鬱鬱久為客路難悠悠常傍人酒闌却憶十年事腸
斷驪山清路塵レ

三頁下九行注レ鶴曰鄆縣屬梓州涪江水東南合
梓州之レ

新刊校定集注杜詩卷二十七

近體詩

去蜀

五載客蜀郡一年歸梓州如何關塞阻轉

作瀟湘遊萬事已黃髮殘生隨白鷗

毛詩黃髮

兒安危大臣在何必淚長流

漢陸賈曰天下安注意相

天下危注意將

放舡

收帆下急水卷幔逐回灘江市戎戎暗山

雲泠泠寒荒村無徑入獨鳥恠人看已泊
城樓底何曾夜色闌

哭嚴僕射歸櫬

趙云嚴公再尹成都乃封鄭國公加檢校吏部尚書永泰元年四月卒贈尚書左僕射

素幔隨流水歸舟返舊京

舊京故國也趙云歸櫬舟行

故曰素幔隨流水盧子諒贈崔老親如

溫詩北眺沙漠垂南望舊京路
知宿昔部曲異平生
按新史武卒母哭且曰今而後吾知免爲

官婢矣又云言部曲有異於存日也宋鮑照東武今將軍旣即世部曲亦罕存後漢

光武紀注大將軍營有五部三校尉部下有曲曲有軍候一人趙云言嚴公有母在弃之而去其母之健尚如宿昔耳公既死部曲無主宜乎異平生也馮衍荅任武書曰敢不陳露宿昔之意故對平生言風送蛟生字則論語久要不忘平生之言

龍雨

見上蛟龍得雲雨注

天長驃騎營

晉書齊獻王攸遷驃騎將

軍時驃騎當罷營兵數千人戀攸恩德不肯去蛟龍以譬嚴公

一哀三峽

暮遺後見君情

趙云言悲哀之極而江山亦為之動色所以遺傳於

後世者見嚴公有恩德於公之情如此也

宴戎州揚使君東樓

勝絕驚身老情忘發興奇

趙云此篇破頭便對蓋言勝雖

絕矣而驚見在之身則老也情雖忘矣而發所對之興則奇也禮記云忘身之老也

鮑照園中秋散詩云臨歌不知調發興誰與歡坐從歌妓密樂任

主人為 語云不圖為樂 重碧拈 一作 春酒

輕紅擘荔枝 曹子建七啓蒼梧縹清注縹深碧色蜀都賦旁挺龍目側

生荔枝 趙云舊本拈春酒作酤字非今就其字誤而言之酤當與論語沽酒市脯

之沽同 又按詩伐木篇有酒滑我無酒酤我按毛鄭解此兩句不同毛云滑音所

六切 涕之也酤一宿酒也其謂有酒則須涕菑使清而後飲無酒則雖一宿未清者

亦飲乃王之厚意也 鄭云酤買也王有酒則涕菑之王無酒則沽買之其意以為族

人陳王之恩厚於我曹雖以侈言王之盛意然豈有天子而沽酒乎詩人必不如比

窮相此鄭之失也今杜公詩之酤字若用
毛萇一宿曰酤言之則不成詩句用鄭立
酤買言之二千石設筵必有公帑豈亦沽
酒乎舊本作拈當以爲正據元稹元日詩
云羞看稚子先拈酒白樂天歲假詩云歲
酒先拈辭不得則拈酒乃唐人語也而杜
公又云門外柔桑葉可拈又云試拈秃筆
掃驊騮亦拈之義拈與擘皆在主及賓身
上言之詩云爲此春酒以介眉壽荔枝見
於上林賦食荔枝而飲春酒蓋煮酒也謂
之重碧以酒之色言之也輕紅亦言荔枝
之顏色也其後山谷在戎州有詩云試傾
一杯重碧色快剝千顆輕紅肌觀此則可
見杜公重碧輕紅之義後學又以重碧輕
紅爲二妾名尤可鄙笑豈不見梁簡文帝
梁塵詩云依幃濛重翠帶日聚輕紅輕紅
謂荔枝膜粉紅也若以名其皮色則又惑
誤學者師云戎州今叙州重碧叙州公

庫酒名輕紅叙
州倅園荔子名樓高欲愁思橫笛未休吹
趙云樓高而愁思欲生何橫笛之未肯罷
休以增愁也公月夜憶舍第云況乃未休
兵與此句法同

渝州候嚴六侍御不到先下峽

聞道乘驄發沙邊待至今

趙云後漢相典為侍御史有威

名常乘驄馬人號為驄馬御史

不知雲雨散

宋玉高唐賦秋兮如風妾

兮如雨風止雨霽雲無處所

日風

流雲散一別如雨

趙云隋

昌

更似東西流

詩不言雲雨散

虛費短長吟

山帶

烏蠻閣

揚州西有

江連白帝深

公孫白

帝城在夔州之側
舡經一柱過留眼共登臨
留眼一作

留帶梁劉孝綽江津寄劉之遴經過一柱觀出入三休臺餘見上卷江通一柱觀注

聞高常侍亡

忠州作 鮑云高適也本傳繼廣德元年後言召為刑部侍郎

左散騎常侍

歸朝不相見蜀使忽傳亡虛歷金華省何

殊地下郎
江淹上建平王書升降承明之闕出入金華之殿世說顏回為

地下修文郎 趙云班固叙傳鄭寬中張禹入說尚書論語於金華殿注在未央宮

適為左散騎常侍而亡故云虛歷金華省也王隱晉書載蘇韶已死見其弟節韶云

顏回卜商今為地下致君丹檻折哭友白

雲長趙云折檻言高之諫諍也觀唐史載適遷侍御史擢諫議大夫負氣敢言

權近側目致君見首篇注朱雲上書願請尚方斬馬劍斷佞臣一人上問誰也對曰

安昌侯張禹上大怒御史將雲下雲攀殿檻檻折雲呼曰臣得下從龍逢比干遊於

地下足矣未知聖朝何如耳獨步詩名在禮記曰朋友哭諸寢門之外

祗令故舊傷適有詩名於時又曹子建與揚德祖書曰僕少好文章迄

至于今二十五然今世作者可略而言昔仲宣獨步於漢南孔璋鷹揚於河朔又南

史王筠字元禮沈約謂筠文章之美可謂後來獨步祗字音支

宴忠州使君姪宅

出守吾家姪

出守守土也刺史是古詩一麾乃出守

殊方此

日歡

文子云殊方偏國

自須遊阮舍

阮咸與叔父籍為竹林之

遊咸與籍居道南諸阮居道北北阮富而南阮貧公自比阮籍而目忠州為阮咸也

不是怕湖灘

忠州下惡灘也

樂助長歌逸

一作送杯

饒旅思寬

一作林饒放思寬

昔曾如意舞牽率強

為看

趙云王戎嘗以如意起舞左氏傳牽率老夫

禹廟

忠州作

禹廟空山裏秋風落日斜荒庭垂橘柚古

屋畫龍蛇

招魂仰觀刻楠畫龍蛇書禹貢厥包橘柚錫貢公於東

趙云

屯茅屋詩有云山險風煙僻天寒橘柚垂而兩句之勢則盧照鄰文翁講堂詩云空

壁無驚雀古雲氣生虛壁一作噓江聲走

白沙趙云生虛壁當作噓青壁字為正蓋噓字新且工矣又青壁對白沙亦工

早知乘四載按史記河渠書云夏書曰禹治洪水十三年三過家不入

門陸行載車水行載舟泥行蹈橋山行即橋橋一作輦書禹貢曰子乘四載疏

鑿一作流控三巴華陽國志曰武王克商封其子宗姬於巴故漢末益

州牧劉璋以墊江以上為巴郡江州至臨江為永寧郡胸忍至魚復為固陵郡巴遂

分矣璋復改永寧為巴郡以固陵為巴東徙龐義為巴西太守是為三巴郭璞江賦

巴東之峽夏后疏鑿趙云今按樂史寰宇記於渝州記云闕自二水東南流三曲如

巴字是為三巴則非有分其地之定名當俟博聞訂之

題忠州龍興寺所居院壁

忠州三峽內

蜀都賦經三峽之崢嶸注三峽巴東永安縣有高山相對

相去可二十丈左右崖甚高入謂之峽江水過其中趙云杜公言三峽者以明月

峽為首巴峽巫峽之類為中東突峽為盡矣今忠州在渝州之下夔州之上斯乃杜

公所謂三峽內也井邑聚雲根趙云雲根言石也張協詩雲根臨八

極蓋取五岳之雲觸石而出則石者雲之根也唐人詩多指雲根為石用之

市常爭米孤城早閉門

趙云兩句雖實道其事而早閉門字

戰國策有邊境早閉晚開也

空看過客淚莫覓主人恩

趙云公寓僧寺居而淹泊仍愁虎深居賴
無顧之者故有是句

獨園

金剛經給孤獨園 趙云言淹泊則滯留於龍興寺之居也

旅夜書懷

細草微風岸危檣獨夜舟

趙云細草春時也荀子微風過

之王仲宣詩

獨夜不能寐星垂平野闊月湧大江流

王仲

宣大江流日夜

趙云東方瑇嘗與盧照鄰分韻有云涵湧大江流公換一月字點

鐵成

名豈文章著官應老病休飄零何所

似天地一沙鷗

趙云飄零字公使多矣雪賦從風飄零在人言之取

物為譬也謝安內集謂諸子姪曰白雪紛紛何所似

別常徵君

兒扶猶杖策卧病一秋強

趙云吳越春秋云太王杖策而

去邠字書注細木杖曰策

白髮少新洗寒衣寬揔長

趙云

白髮以病而少新洗沐也寒衣以病而寬長也曹子建詩云瘦覺衣寬長愁知酒淺

故人憂見及此別淚相忘

趙云故入言常徵君也雖

別而俱不能淚所以成相忘也

各逐萍流轉來書細作行

趙云屬其委曲也漢書言細書成文一札十行

十二月一日三首

今朝臘月春意動雲安縣前江可憐一聲

何處送書鴈百文誰家上水船

趙云百文牽船篋內

地謂之

未將梅藥驚愁眼要取楸花媚遠

天

趙云言眼前實事蓋梅未開而

明光起

草人所羨肺病幾時朝日邊

明光殿名也漢王商欲借

以避暑者起草作制誥也

趙云後漢尚書郎奏事

遂卧疾于茂陵 明光殿下筆為詔 誥出語為命 令日邊言

帝都也晉明帝云只聞人自長安來不聞

人從日邊來後人

右一

寒輕市上山煙碧日滿樓前江霧黃負鹽

出井此溪女打鼓發舡何郡郎新亭舉目

風景切茂陵著書消渴長

趙云晉王導傳洛京傾覆中州

士人避亂江左者十六七每至暇日邀出新亭飲宴周顛中坐而歎曰風景不殊舉目有江山之異上句以避亂流落所寓如新亭之景物茂陵則公自比於相如之有肺疾也

春花不愁不爛熳楚客唯聽棹相將

右二

即看鸞子入山扉豈有黃鸝罵麝羣微短短

桃花臨水岸輕輕柳絮點人衣

趙云方十一月一日

作詩而有鶯子黃鶯桃花柳絮之言何也
此義在末句他日一盃難強進也皆逆道

其事爾
春來準擬開懷久老去親知見面稀

他日一杯難強進重嗟筋力故山違

趙云於山

謂之違家語孔子云違山十里猶聞蟪蛄聲也

右三

又雪

南雪不到地風土記云南方無雪青崖露一作未消

趙云當作露為正但雪不濃所以不到也而止着青崖爾顏延年詩藐盼觀青崖

漾觀微微向日薄脉脉去人遙冬熱鴛鴦

病峽深豺虎驕愁邊有江水焉得北之朝
趙云末句蓋言當愁之際觀江水止是朝
東入海安得折而之北我乘此水以歸長
安也

奉漢中王手札

國有乾坤大王今叔父尊

王讓皇帝之子
代宗之叔父也

剖符來蜀道

言以漢中之封來蜀作守也
前有詩公自注云王時在梓

州者

歸蓋取荆門

由荆門軍取
道而往也

峽險通舟

過江長注海奔

書江漢朝宗于海亦
百川注海之義也

主人

留上客避暑得名園

劉松袁紹於河朔三
伏之際為避暑之飲

前後緘書報分明饌玉恩

趙云上句言得漢中王手札饌

玉則前漢陳咸奢侈玉食晉王武子鮮衣玉食之義言美食如玉却非洪範惟辟玉

也天雲浮絕壁風竹在華軒

趙云觀絕壁之天雲對華

軒之風竹言在名園中如此也

已覺良宵求何看駭浪翻

趙云上句言時已秋矣秋江浪平故也海賦驚浪雷奔駭水迸集

入期朱

邱雪朝旁紫微垣

唐制諸侯各置邱京師故有邱吏朱邱言邱有

朱戶趙云以雪時為期而至京也謝玄暉云朱邱方開效蓬心於秋實晉志紫宮

垣一曰紫微大帝之座天子所居也

枚乘文章老河間禮樂

存西京雜記枚乘文章敏疾長卿制作淹遲皆盡一時之譽又按漢書景十三王

河間獻王德武帝時來朝獻雅樂又云立
博士修禮樂被服儒術趙云上句公自

言也梁孝王時枚乘在諸文士之間年最
為高故謝靈運雪賦召鄒生延枚叟也次

句指漢中王也傳曰河間之功悲秋宋玉
江夏之略可為宗室標的者也

宅哀江南賦誅茅宋玉之宅宋玉九辯云
悲哉秋之為氣也蕭瑟兮草木搖落而

變衰趙云宋玉宅在歸州言王失路武
今在歸州又如悲秋之宋玉也

陵源見上如逢淹薄俱崖口東西異石根

趙云崖口石根言巴峽之地如此漢
中生在下流為東公在夔為西也夷音

迷咫尺鬼物傍一作黃昏楚俗語言多夷
音又燕城賦木

魅山鬼昏見晨趨趙云上句則夔之南
與蠻相接不為不遠而夔巴有蠻音故公

詩屢有夷音蠻語蠻歌之句左傳天威不
違顔咫尺言近也今言在蠻於咫尺之間

語音不同所以不省而迷也下句一作傍
當以倚為正史云妖禽孽狐得夜乃為不

祥此倚黃犬馬誠為戀狐狸不足論曹子
昏之義也

不勝犬馬戀主之情張綱傳豺狼當道從
安問狐狸趙云言其有懷君之心也

容草奏罷宿昔奉清罇趙云此言漢中王
草奏既罷當奉飲

宴蓋在昔日常如此也梁劉苞望夕
兩詩曰清罇久不薦淹留遂待君

贈崔十三評事公輔

飄颻西極馬漢郊祀歌天來自渥洼池趙

以言崔有天馬之妙足而所從一
來之遠也渥洼池見沙馬行注風飄寒
作

定山桂低徊風雨枝趙云當作寒山楚辭云桂樹叢生兮山之

幽選詩桂枝生自直則桂枝不宜低迴今桂所以低迴者風雨之故也以喻崔評事

之美材而用於邊徼之小宮韻音習我聞唐韻云颯颯大風也此四句是扇對

龍正直道屈爾何為趙云崔如龍之直而角在幕府僚屬故公

怪而問之詩且有元戎命悲歌識者知趙

好是正直元戎節度使也以元戎命之而有官聯辭

冗長文賦固無取乎冗長趙云崔評事於元戎之僚屬可辭冗長矣行

路洗歌危當開公正之路趙云以脫劍

主人贈季札脫劍挂樹以贈徐君趙云

主人指元戎也解

常如伍子胥解劍以贈漁父舊注非是去帆春色隨陰沈鐵

鳳闕陸佐公石闕銘蒼龍立武之制銅雀鐵鳳之工趙云鐵鳳闕言帝都也

教練羽林兒宣帝紀羽林孤兒注天有羽林星林喻若林木之盛羽言

羽翼驚擊之意故以名武官焉百官表取從軍死事者之子養羽林官教以五兵號

曰羽林孤兒天子朝侵早雲臺仗數移趙云

難其朝侵早以訓兵練卒故所御非一而數移雲臺之仗也光武圖二十八

雲臺分軍應供給百姓日支離支離

因封己公才或守雌老子知真雄

吏乘之以封植其己廉吏閱之而乘勢刻正美崔公之才守雌柔之道不乘勢刻

以私於封己則為可尚耳黠吏字出前漢
詔書國語叔向曰引黨以卦己晉王導謂
孔愉有公才而無公望
燕王買駿骨燕昭王以千金市駿骨渭

老得能熊見田獵舊非熊文活國名公在

拜壇羣寇疑孫楚曰愛民活國水壺動瑶

碧鮑照詩清如玉壺冰野水失蛟螭趙云上句以言元戎曾中如冰

壺之清下句則蛟龍得入幕諸彥聚見上

注別賦金閨之諸彥渴賢高選宜騫騰坐可致九萬

起於斯趙云方當渴賢而崔君宜應高復選必能騫騰如鵬之九萬里矣復

進出矛戟昭然開鼎彝趙云言崔君復於此進而出其曾中

銘功於鼎彝也之不戰則昭然然會看之子貴歎及老夫衰

也左傳老夫耄矣無能為豈但江曾決孟子沛然

若決也還思霧一披衛瓘見樂廣曰若披雲霧而靚青天趙云豈

持平時與崔相談論如江河暗塵生古鏡

拂匣照西施趙云公蓋自負其有美質而久無識者此所以美崔君而

責望也之舅氏多人物無慚困翻垂趙云舅氏之家多有

人材必應如上所言騫騰富貴之事也今日尚爾行役無慚困苦也崔蓋公之表弟

長江二首

衆水會涪萬涪萬峽中瞿唐爭一門瞿唐二郡名為三

峽之門朝宗人共挹盜賊爾誰尊趙云禹貢

于海敢有犯順之為將欲使誰尊爾乎孤石

隱如馬高蘿垂飲猿張華詩象馬誠可驗

瀕如馬瞿歸心異波浪何事即飛翻趙云

唐莫下也之波飛翻而流去歸心未便

其二

浩浩終不息乃知東極臨一作深

東至於三峽則其來已遠眾流歸海意萬

國奉君心眾流之所以奉君之心也色借瀟

三十一 主土詩七

湘闊

入洞庭與瀟湘相連故云色借聲驅

灩澦深

一作沈

未辭添霧雨

趙云江海不護衆流以為大雖

霧雨之細亦可以益其流

接上遇

一作過

衣襟

趙云舟中

其上則先經過於衣襟間也此必是微雨而作實道其事耳選詩曰露霑衣襟

哭台州鄭司戶蘇少監

故舊誰憐我平生鄭與蘇存亡不重見喪
亂獨前途豪俊何人在文章掃地無羈遊
萬里關凶問一年俱白日中原上清秋大
海隅夜臺當北斗泉路著東吳得罪台州

去時危弃碩儒移官蓬閣後穀貴歿潛夫

王符著
潛夫論

流慟嗟何及銜冤有是夫道消詩

發興心息酒爲徒許與才雖薄追隨跡未

拘班揚名甚盛嵇阮逸相湏會取君臣合

寧詮品命殊賢良不必展廊廟偶然趨勝

決風塵際功安造化鑪從容詢舊學慘淡

閔陰符擺落嫌疑久哀傷志力輸俗依綿

谷異客對雪山孤童稚思諸子交期列友

于

詩友于
兄弟

情乖清酒送望絕撫墳呼瘡痢

殮巴水瘡痍老蜀都飄零迷哭處天地日
榛蕪

承聞故房相公靈櫬自閬州啓殯

歸葬東都有作二首

趙云房瑄謫漢州刺史
召而死於道贈太尉

遠聞房太尉

舊作太守

歸葬陸渾山

山在伊洛
間昔辛有

適伊川見被髮而祭者言此地當
夷後爲陸軍之戎所有山因得名一德興

王後孤鬼久不聞

德以興王業也伊尹
咸有一德下言房公

識
明多文

定故蜀丞相諸葛

明故事二十
四篇以進
安石竟崇班
謝安薨時六

朝堂賜秘器
又葬加殊禮
依大司馬相
溫故事
他日

嘉陵涕
一作
仍霑楚水還
趙云靈樞自閩

陵江而
下故也

右一

丹旄飛飛日
丹旄銘旌也寡婦
初傳發閭

州風塵終不解
江漢忽同流
趙云時吐蕃

櫬所經自江漢
而下故曰同流
劍動新身匣
趙云師本作

書歸故國樓盡哀
知有處為客恐長休
趙

公因聞房公靈櫬之歸
有感於中而發此言也

右二

雲安九日鄭十八携酒陪諸公宴

寒花開已盡菊蕊獨盈枝

趙云凡涉秋之花皆謂之寒花

也舊摘人頻異輕香酒暫隨

趙云上句言舊時採摘菊

花之人類改易而不同見公所逢九日之地不一也

地偏初衣袂

陶潛

心遠地自偏秋興賦御袂衣

山擁更登危

風俗記九日登高以禳災

萬國皆戎馬酣歌淚欲垂

荅鄭十七郎一絕

雨後過畦潤花殘步履遲把文驚小陸好

客見當時

小陸陸雲也當時鄭莊也趙云小陸陸士龍

莊好客而比鄭十七郎爾

將曉二首

石城除擊柝

趙云擊柝以言警夜曉則除之

鐵鑊欲開關

鼓角悲荒塞星河曙山邑人常小梗

謂

子璋反也不甚傾駭也

趙云謂之小梗亦

蜀使動無

還

趙云吐蕃未息所

垂老孤帆色飄飄犯

白蠻

趙云末句白蠻亦以荆楚非溪

右一

軍吏回官燭

官燭字見上注

舟人自楚歌

項籍聞軍中四

面皆楚歌

寒沙蒙薄霧落月去清波

趙云天曉月落不復

有影在水

壯惜身名晚衰慙應接多歸朝日

簪笏筋力定如何

趙云四句公自言其衰老也歸朝日事簪笏恐

筋力之不堪爾

右二

懷錦水居

軍旅西征僻風塵

軍中

九

蕃等寇奉天京師大震帝自將苑一作中急召郭子儀也涇陽故云西征猶獨

聞蜀父老司馬相如有不忘舜謳歌孟子謳

歌者不謳歌堯天險終難立劔門天設之

可恃趙云憂吐蕃能犯蜀柴門豈重過

謂思草堂朝朝巫峽水遠遠錦江

巫峽相通也趙云重懷成都

其二

萬里橋西宅百花潭北莊浣花草堂在萬

花潭趙云舊本作橋南是公詩層軒

萬里橋一草堂百花潭北中倉浪

皆面水

宋玉招魂云高堂邃宇幽檻晉軒

老樹飽經霜

趙云

四時纂要冬瓜飽霜後收之梁吳筠行路難曰洞庭水上一株桐經霜觸浪困嚴風

雪嶺

吐蕃中山

界天白錦城

曛日黃

曛日也

惜

哉形勝地回首一茫茫

張孟陽劔閣銘曰形勝之地匪親勿

居趙云以西山尚有屯戍恐蜀受其禍故歎惜形勝之地而不忘于懷也

子規

趙云子規與杜鵑是兩種其形聲名不同於杜鵑行古詩注言之詳矣

峽裏雲安縣江樓翼瓦齊兩邊山木合終

日子規啼

子規杜鵑也。公有杜鵑行云。涪萬無杜鵑。雲安有杜鵑。此可見。

矣。坡云非親到其處。不知此詩之工也。

眇眇春風見蕭蕭夜

色淒

一作

客愁那聽此故作傍人低

一云

旅人低此四句道盡子規之妙。每於春風眇眇之際。夜色蕭蕭之時。客愁聞此。不能悲感耶。故傍人低之句。非是。上既有客愁字。不應更言旅人也。

立春

春日春盤細生菜忽憶兩京梅發時

趙云

菜。立春之事也。按齊人月令曰。凡立春日。食生菜。不可過多。取迎新之意。下句則立春在。去年之冬。當梅發時也。兩京東京。西京也。

盤出高門行白玉

菜傳纖手送青絲

趙云于公高門也行白玉行玉盤也公於廢畦

詩亦曰悲君白玉盤行則如麗人行水精之盤行素鱗也晉成公綏洛襖賦或振纖

手或濯素足此上四句是一段古詩云蘆菹白玉縷生菜青絲盤 巫峽寒

江那對眼杜陵遠客不勝悲

趙云言巫峽傍江地土寒

眼前不見此菜宜乎其悲矣

此身未知歸定處呼兒覓

紙一題詩

古詩呼童烹鯉魚

漫成

江月去人只數尺風燈照夜欲三更

趙云嘗聞

士大夫云東坡先生有言杜子美江月去人只數尺不若孟浩然江清月近人之不

費力此公論不可發也梁沙頭宿鷺聯拳

靜一作舡尾跳魚撥一作刺鳴有聲也

薛云按後漢張平子賦控飛弧之撥刺兮

射嶠冢之封狼趙云聯拳相並相續之

刺為稱沈約郊居賦云雌霓聯拳用對撥

亦云雙鯢呀呷鰭鬣張跋刺銀盤欲飛去

南楚

南楚青春異暄寒早早分趙公在夔而

戰國為楚地寒無名江上草隨意嶺頭雲

盡而地生矣

正月蜂相見非時鳥共聞

趙云易萬物皆相見而公於蜂

言之句意兩新

杖藜妨躍馬不是故離羣

趙云躍馬則言

官身而在諸人之間則必騎馬今也杖藜而獨往乃放曠使然不是故為離羣也莊

子原憲杖藜應門蔡澤曰吾躍馬食肉四十年亦足矣禮記云離羣索居

移居夔州郭

伏枕雲安縣遷居白帝城春知催柳別江

與一作已

放舡清

趙云言春知人之離居故發生以供物人為

別也此詩名和別之發生以供物人為

詩名和別之發生以供物人為

懸壺問人說山光見鳥情禹功競

斷石且就土微平

公峽皆因開鑿而成故少平土惟夔州稍平耳

左傳劉子歎禹之功江文通雜擬云海濱饒奇石

缸下夔州郭宿雨濕不得上岸別

王二十判官

依沙宿舸船石瀨月娟娟

謝靈運有回溪石瀨茂林脩竹

詩鮑照翫月娟娟似蛾眉

風起春燈亂江鳴夜雨懸晨

鍾雲外濕勝地石堂煙

趙云石堂應是夔州佳處空望其煙

故題中所謂不得上岸也

柔櫓輕鷗外含情覺汝賢

趙云

柔櫓今舟人所謂軟櫓者也言船櫓在輕鷗之外忽忽遂行不得如鷗之遊漾所以

含情而覺鷗之勝己也
書曰不自滿假惟汝賢

入宅三首

奔峭背赤甲斷崖當白鹽

謝靈運詩孤客傷逝湍行旅苦

奔峭赤甲白鹽瞿唐峽口二山名趙云赤甲本岬字按水經云江水東南逕赤岬

西注云是公孫述所造因山據勢周迴七里一百四十步東高二百丈西北高一千

丈南連白帝山甚高大不生樹木其石悉赤故名又云江水又東逕廣溪峽注云斯

乃三峽之首也其間三十里傾巖倚木厥勢殆交北岸山上有神淵淵

高可千餘丈立人
客居媿遷次春酒漸多

見其高白改
添次舍也猶遷居也左傳凡師一節為白

詩今日何遷次花亞欲移竹鳥窺新捲簾衰年不敢恨勝槩欲相兼

右一

亂後居難定春歸客未還趙云言又見春矣以居止之不

定而尚未還故水生魚復浦雲暖麝香山

鄉有所感發耳魚復白帝舊名杜補遺云後漢郡國志巴

郡魚復古之浦地左氏文十年魚人逐楚師是也夔州圖經麝香山在州東半頂梳

南百二十五里以其出麝香故名頭白趙云白髮之所過眉拄杖斑相看多

使者一一問函關時冠亂未平關中之信未通爾趙云吐蕃未

平所以問函關也

右二

宋玉歸州宅雲通白帝城歸州有宋玉宅今云矣下句見

白帝城樓詩注吾人淹老病旅食豈才名趙云漢宣帝歌

曰泛濫不止兮愁吾人故對旅其字則祖魏文帝旅食南館

以淹老病而旅食峽口江流氣不

平趙云以風急之應與元子

飄轉任浮

赤甲

卜居赤甲遷居新兩見巫山楚水春炙背

可以獻天子美芹由來知野人嵇康書野人有快炙

背而美芹子者欲獻之至尊雖有區區之

意亦已踈矣趙云列子宋國有田夫自

曝其日不知天下有綿纊狐貉謂其妻曰

負日之而人莫知者以獻吾君將有重賞

里之蕭定公曰昔人有美戎菽甘泉莖

芹華子者對以烹稱之鄉豪取而嘗之蜚

於高參於腹腹晒大慙荆州鄭薛寄詩近蜀客

鄰岑非我鄰

四人者皆公之故舊趙云

詠懷詩云奉寄鄭監審岑參公夔州

詩近岑參作嘉州刺史所以謂

生土詩二二 七二 劉文

蜀客其二
笑接郎中評事飲病從深酌

道吾真
趙云評事則崔評事也郎中未有
所考道吾真則以我為真率也

上白帝城二首

江城含變態一上一回新
朝暮雲煙變化
態度多端也楚

辭思美人篇曰天欲今朝兩山歸萬古春
觀南人之變態

趙云公詩歸字有二義一則歸至之歸如
春從沙際歸是也一則歸往之歸如春歸

何處尋英雄餘事業
白帝城公孫述所築
後為劉備屯戍之地

是也
改名曰永安 趙云英雄指言白
帝也公孫述自號白帝築為此城

風塵言也取醉他鄉客相逢故國人兵戈
言公自

猶擁蜀賦歛強輸秦

上句謂段子璋之徒未靖也趙云言崔

肝之亂也永泰元年閏十月劍南兵馬使崔旰反殺其將郭英乂明年張獻誠及崔

肝戰于梓州敗績斯為兵戈擁蜀不是煩

形勝深慙畏損神

趙云張孟陽劍閣銘云地之形勝匪親勿居意

則以不是憚煩此地之形勝而難上以兵戈猶在畏懼而損我之神爾

右一

白帝空祠廟孤雲自往來

舊注公孫述廟在白帝城江

山城宛轉棟宇客徘徊

趙云此篇甚明言江山之間其城宛

轉棟宇之下客於此徘徊也句法可謂新奇矣勇略今何在當年

亦壯哉

言述始為王莽導江卒正更始時起兵討宗成王莽之亂破之遂有

蜀土。僭立為帝為光武所誅。趙云。後人勇略今何在。即前篇英雄餘事業也。

將酒肉虛殿日塵埃

凡舟人往來皆祠之。爾孟子必有酒肉

谷鳥鳴還過林花落又開多慙病無力騎

馬入青苔

右三

愁

強戲為吳體

江草日日喚愁生巫峽

一作春峽

泠泠非世情

趙云。言水自泠泠之聲也。一作春峽非蓋豈可言夏峽秋峽乎。盤渦鷺浴

底心性

郭璞江賦云盤渦谷轉

獨樹花發自分明

王周

懷送葬詩云平原看獨樹

十年戎馬暗萬國

自安史亂後天下不

安者十餘年

異域賓客老孤城

公本北人而寓南國故云異域

渭水秦山得見否人今罷病虎縱橫

渭水秦山

皆關中風物也時方罷弊賊寇充斥而公不能往故云得見否

趙云渭水秦山則

言長安也虎縱橫言盜賊也王粲詩云盜賊如豺虎雖吐蕃亦盜賊爾罷音疲

江雨有懷鄭典設

亦吳體

春雨聞聞寒峽中早晚來自楚王宮

謂旦為朝

雲暮為行雨也

趙云楚王宮指言高唐也高唐賦云楚襄王與宋王遊於雲夢之

臺望高唐之觀今言塞滿峽中之雨旦暮皆自楚王高唐宮來或以塞為關塞之塞謂白帝城連峽為塞峽義不通亂波紛披已打岸弱雲狼

籍不禁風

趙云於波言紛披於雲言狼籍此公之新奇者打岸字應是方

言如風吹船謂之打頭風之類劉禹錫金陵懷古詩潮打空城寂寞回溥于髡云盃

籍盤狼寵光蕙葉與多碧點注桃花舒小紅

趙云蓼蕭篇既見君子為龍為光注云龍寵也箋云為寵光言天子恩澤光耀被及

己也魏鍾會孔雀賦五色點注華羽參差天雨之施蕙葉有寵光之義其於桃花才

小開苞有點注之谷口子真正憶汝岸高

漢滑

閣一作

限西東

揚子雲曰谷口鄭子真不屈其志而耕巖石之

下，以比鄭典設也。夔有澗水，出山谷間。土人名之曰灤，又分左右，曰灤東、灤西。公有阻雨，不得歸灤西甘林，公在灤西，鄭必在灤東矣。

雨不絕

鳴兩既過，漸細微。映空搖颺，如絲飛。古詩密雨

如散階前短草泥，不亂院裏長條風。乍稀

趙云：蓋以長條之垂本自舞石旋，應將乳

稠密，因風颺之，乍成稀。子相川記：零陵有石燕，行雲莫自濕仙衣。

謂高唐神女也。注見前詩。趙云：此公於夔峽間所賦兩詩，而夔峽去湘潭為近，又

高唐正在其處，方使石燕神女事，此之謂當體。莫字非莫勿之莫，蓋言莫是自濕仙

衣乎乃問
之之辭也
眼邊江舸何忽促未得一作安

流逆浪歸

崔評事弟許相迎不到應慮老夫

見泥兩怯出必愆佳期走筆戲簡

趙云楚詞曰與佳期兮夕
張謝玄暉云佳期悵何許

江閣要賓許馬迎午時起坐自天明浮雲

不負青春色細雨何孤白帝城李陵書陵
雖孤恩漢

亦負德今多用辜
負字俗子相承爾身過花間露濕好醉於

馬上往來輕虛疑皓首衝泥怯實少銀鞍

傍險行

書夢

二月饒睡昏昏然不獨夜短晝分眠

趙云中春

氣候昏令人多睡不獨夜短晝亦分其半以眠爾司馬遷作士不遇賦昏昏罔覺內生毒庾信蕭索無真氣昏昏有欲心後漢邊韶為弟子所嘲曰懶讀書晝日眠

花氣暖眼自醉春渚日落夢相牽

趙云桃花在暖

日中熏灼人目已是醉悶春渚日落而夢已相牽挽不自由矣

故鄉門巷

荆棘底中原君臣豺虎邊

上句言盜賊之多間里殘弊也

趙云不歸之久而生荆棘矣如姑蘇臺上荆棘滿銅駝是也豺虎以言盜賊雖吐

蕃亦盜賊爾

安得務農息戰鬪普天無吏橫

去聲

索錢

時多暴賦橫斂也

趙云吏乘軍須之勢至於暴橫求索此為可傷也畫

夢詩而後段及此公之用心可見矣

熟食日示宗文宗武

消渴遊江漢羈栖尚甲兵

趙云公自志其病也遊江漢則

江水漢水近荆南而合矣詩云滔滔江漢南國之紀甲兵又言吐蕃未息也變實楚

地近接荆南幾年逢熟食萬里逼清明秦人

呼寒食為熟食日言其不動煙火

松栢邛

山路風花白帝城

杜補遺十道志曰邛山在洛陽縣北十里揚佗

期洛城記曰邛山古今東洛九原之地也俗以寒食省墳子美先塋在邛而其身流寓白帝於寒食不能展省也故有此句

汝曹催我老廻首淚縱橫

又示兩兒

令節成吾老他時見汝心

趙云令節指言寒食成吾老則

老者之情不堪也言汝輩今日年少未知老者之情他日長大方見汝之心如我今

也浮生看物變爲恨與年深長葛書難得

江州涕不禁

趙云長葛江州意是其弟妹所在特未可妄考也

團

圓思弟妹行坐白頭吟

白頭吟蓋老而爲詩耳其本出於司

馬相如將聘茂陵女為妾文君作白頭吟
以諷之沈約宋書載古辭白頭吟曰淒淒
重淒淒嫁娶不須啼願得一心人白頭不
相離其後鮑照輩作白頭吟則譏交道不
終矣

新刊校定集注杜詩卷三十七

寶慶乙酉廣東漕司鋟板

進士 陳

潮州州學賓辛

承議郎前通判韶州軍事劉 錡 同校勘

朝議大夫廣南東路轉運判官曾 璽

卷第二十七

一頁下九行注 一亦罕存

三頁下七至九行注 一王粲詩曰風流 一隋江總

別袁昌詩 一古詩有短長吟 一嵩州西有烏白

蠻 一公孫述以永安為白

四頁下八行注 一音支適也

八頁下七行正文 一青崖露未消

八頁下七至九行注 一風土記云南方無雪 一

作露 一但雪不濃所以不到地而止 一藐盼觀

青崖行漾觀綠疇

二頁上九行注 一以贈徐君レ一主人指元戎也解

劔贈人亦理之レ

二頁下五至九行注 一趙云言天子多難レ一故所

御非一處而レ一二十八將於雲臺レ一支離言不

親也レ一知其雄守其雌 趙云封厚也蓋言貪吏

一廉吏閱之而柔克公正美崔公之才守雌柔之道

不乘勢刻剝レ

二頁下八至九行正文 一王後孤寡久客間レ一孔

明多故事レ

二頁下八至九行注 一同德以興王業也伊尹咸有

一德下句言房公謫死久殯閬州レ蜀志陳壽與
荀勗等定故蜀丞相諸葛孔レ

五頁上一行注レ謝安薨時六十六帝三日臨于朝
堂レ

六頁上九行注レ以荆地靠溪同一帶為蠻矣舊作
百蠻非レ

六頁下八至九行正文レ懷錦水居止二首レ軍
旅西征僻風塵戰伐多レ

六頁下九行注レ趙云永泰元年僕固懷恩誘吐
七頁上八至九行注レ浣花草堂レ萬里橋レ舊

本作橋南非是。一萬里橋西一草堂百花潭北即

滄浪。

一九頁上八行注 一趙云公在夔而言南楚。

一九頁下七至九行注 一趙云言春知人之離居故催

柳之發生以供行人為別也詩家於相別必用柳事

蓋古有折楊柳之曲多言離別也下句言春江清且

平供其泛船爾。

一九頁下九行正文 一農事聞人說山光見鳥情禹功

饒。

二〇頁下九行注 一次舍也猶遷居也左傳凡師一宿

為舍再宿為信過信為次 趙云樂昌公主

二頁下五行注 一故對旅食 一館也吾人乃自言也

二頁下六至九行正文 一峽口風常急江流氣不平

一 只應與兒子飄轉任浮生 一 右三

三頁上四至九行注 一背而美芹子者 一 意亦已

疎矣 一 曝於日不知天下有綿纈 一 負日之暄

人莫知者 一 里之富室告之曰 一 芹萍子者對

鄉豪稱之 一 蜚於口慘於腹眾哂而怨之其人大

慙 一 詠懷詩題云 一 江陵所以寄詩

三頁下一行注 一之蜀客其二人不敢妄考 一